



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

42. In supremo &c. Nullitatis Electionis, seu nominationis R. P. D. Francisci
de Solis Episcopi Ilerdensis in Gubernatorem Ecclesiæ Abulensis ab ilius
Decano, Capitulo, & Canonicis per abusum ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

Pœnitentes efficere poterunt, pariter concedimus & indulgemus.

§. 3. Præterea eisdem Christifidelibus, qui recitationi Litaniarum omnium Sanctorum cum collectis, & precibus consuetis in aliqua ex Ecclesiis Civitatum, Oppidorum, Terrarum, & Locorum præfatorum per memoratos Locorum Ordinarios respectivè designandis, mense à die publicationis earundem præsentium computando durante dumtaxat, itidem devotè interfuerint, ibique, ut supra dictum est, oraverint, quocumque die interea id egerint, septem annos, & totidem quadragenas de inunctis eis, seu per eos quomodolibet debitis pœnitentiis in formâ Ecclesiæ consuetâ relaxamus; Nec non, ut omnes, & singula Indulgentiâ, seu peccatorum remissiones, & pœnitentiâ relaxationes præfatâ animabus fidelium, quæ Deo in charitate conjunctâ ab hac luce migraverint, per modum suffragii applicari possint, similiter indulgemus.

Et facultatem Confessariis approbatis absolvendi à refer-

§. 4. Cæterum cupientes Christifideles præfatos hujus pretiosissimi thesauri fieri participes, quibuscumque Presbyteris Confessariis tam Sæcularibus, quam Regularibus ad id in Ecclesiis Civitatum, Oppidorum, Terrarum, & Locorum hujusmodi per prædictos Ordinarios specialiter deputandis, ut eosdem Christifideles ibidem ad se occasione consequendi Indulgentiam plenariam hujusmodi pro hac vice dumtaxat recurrentes, eorum confessionibus diligenter auditis, ab omnibus excommunicationis, suspensionis, & aliis Ecclesiasticis sententiis, & censuris à jure, vel ab homine quavis causâ latis, seu inflictis, nec non ab omnibus eorum peccatis, excessibus, criminibus, & delictis, etiam quantumvis gravibus, & enormibus, ac etiam Locorum Ordinariis, sive Nobis, & Sedî Apostolicæ, etiam per literas Apostolicas die Cœnæ Domini legi solitas, aut alias quascumque nostras, & Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis, pœnitentiâ salutari, & aliis, quæ injungenda fuerint, eis inunctis, in foro conscientiæ, & eâ vice tantùm absolvere, & liberare valeant, facultatem impertimur.

Non tamen dispensandi super irregularitate, nec absolvendi excommunicatos publicè denunciatos.

§. 5. Non intendimus autem præsentibus super aliquâ irregularitate publicâ, vel occultâ, notâ, defectu, incapacitate, seu inhabilitate quomodolibet contractâ dispensare, vel aliquam tribuere facultatem dispensandi, seu habilitandi, & in pristinum statum restituendi, etiam in foro conscientiæ; neque easdem præsentibus literas illis, qui à Nobis, & Apostolicâ Sede, vel ab aliquo Prælato, seu Judice Ecclesiastico excommunicati, suspensi, vel interdicti, seu alias in sententias, vel censuras incidisse declarati, vel publicè denunciati fuerint, nisi prius satisfecerint, aut cum Partibus concordaverint, ullo modo suffragari posse, aut debere.

§. 6. Non obstantibus Constitutionibus, & Ordinationibus Apostolicis, & præsertim illis, quibus facultas absolvendi in certis tunc expressis casibus ita Romano Pontifici pro tempore existenti reservatur, ut nequidem similes, vel dissimiles Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, cæterisque contrariis quibuscumque.

Fides adhibenda transumptis.

§. 7. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides habeatur, quæ

haberetur ipsis præsentibus, si exhibitæ forent, vel ostensa. Datum Romæ apud Sanctum Petrum sub Annulo Piscatoris, die 4. Januarii 1709. Pontificatus Nostri Anno nono.

F. Oliverius.

Anno à Nativitate Domini Nostri Jesu Christi millesimo septingentesimo nono, die 4. mensis Januarii, Indictione secunda, Pontificatus Sanctissimi in Christo Patris, Domini Nostri D. Clementis Divina Providentia Papa XI. anno ejus nono supradicta litera Apostolica affixa, & publicata fuerunt ad valvas Basilicæ Sanctorum Apostolorum Petri, & Pauli, in Monte Citorio, & in Acie Campi Flævi, ac alio loco solitis, & consuetis Urbis, ut moris est, per me Thomam de Unionibus SS. D. N. Papa Cursorem.

Sebastianus Vassellus Mag. Curs.

DECLARATIO

Nullitatis Electionis, seu nominationis R. P. D. Francisci de Solis Episcopi Ilerdensis in Gubernatorem Ecclesiæ Abulensis ab illius Decano, Capitulo, & Canonicis per abusum Laicalis potestatis factæ, nec non quorumcumque inde secutorum, & secutorum, cum illorum revocatione, & abolitione, ac aliis diversis ordinationibus.

CLEMENS PAPA XI.

Ad futuram rei memoriam.

IN Supremo Apostolicæ Dignitatis culmine, meritis licet imparibus, per ineffabilem Divinæ bonitatis abundantiam collocati, Ecclesiasticam Immunitatem Dei ordinatione, & Canonicis sanctionibus constitutam, nostraque, & hujus Sanctæ Sedis, inferiorumque Ecclesiarum jura, ex commissi Nobis cœlitus Pastoralis Officii debito, facta tecta tueri, & si quando ea quorumcumque, præsertim Laicorum, quos in rebus Ecclesiasticis obsequendi manet necessitas, non auctoritas imperandi ausibus violata esse novimus, ab ejusmodi violationibus asserere satagimus, sicut omnibus maturæ considerationis trutinâ perpensis, æquitati, & justitiæ, rectoque ordini consentaneum esse in Domino arbitramur.

Procedimus

§. 1. Ad nostri siquidem Apostolatus notitiam non sine gravi animi nostri molestiâ pervenit, quod alias tunc existens Secretarius universæ, ut vocant, Expeditionis Charissimi in Christo Filii nostri Philippi Hispaniarum Regis Catholici dilectis filius Decano, Capitulo, & Canonicis Ecclesiæ Abulensis, per suas literas die 4. Februarii proximè præteriti, seu alio veriori tempore eis conscriptas nunciavit, quod cum dilectus etiam filius Froilanus Diaz Frater expressè professus Ordinis Prædicatorum dudum ad dictam Ecclesiam per obitum ultimi illius Episcopi solatio Pastoris destitutum à dicto Philippo Rege Nobis præsentatus, præsentationi hujusmodi, antequam illam à Nobis admitti contingeret, renunciasset, ac subinde idem Philippus Rex ad Ecclesiam prædictam Venerabilem Fratrem Franciscum de Solis Episcopum Ilerden. (ut in eisdem literis asseritur) similiter præsentasset, quia ab illo sic præsentato curam, & regimen dicte Ecclesiæ quamprimum suscipi, & assumi cupiebat, eidem Secretario mandaverat, ut Decano, Capitulo, & Canonicis præfatis significaret ipsi Philippo Regi gratissimum fore, si dictus Franciscus Episcopus incunctanter

ab

ab eis in Provisorem, & Vicarium Generalem, seu Governatorem prædictæ Ecclesiæ eligeretur, seu nominaretur, eique jura, & facultates, quæ ipsi, illius Sede Episcopali vacante, compete-
bant, attribuerentur, ad hoc ut absque ulla morâ, donec dictæ Ecclesiæ de personâ ipsius Francisci Episcopi à Nobis provideretur, & literâ Apostolicâ desuper de more expedirentur, eandem Ecclesiam, tanquam futurus ejus Spon-
sus, regere, & gubernare posset, & valeret; Di-
cti verò Decanus Capitulum, & Canonici per
suas etiam literas die 21. ejusdem mensis, seu
alio priori tempore exaratas, Secretario præfa-
to rescripserunt, se quæcumque jura sibi circa
gubernium dictæ Ecclesiæ, illius Sede Episcopa-
li vacante, competens dicto Philippo Regi li-
benter deferre; paratos se exhibentes in ejus vo-
luntatis implementum illa dicto Francisco Epi-
scopo subdelegare, eumque in Governatorem ejus-
dem Ecclesiæ eligere, ac nominare, & alias,
prout in binis literis prædictis, quarum teno-
res, non approbandi, sed omnino reprobandi
animo, præsentibus pro plenè, & sufficienter
expressis, & inferis haberi volumus, plenius di-
citur contineri.

§. 2. Cùm autem, sicut pariter Nobis inno-
tuit, in præmissorum sequelam Decanus, Capi-
tulum, & Canonici prædicti juri sibi, sicut
præmittitur, competentibus in eundem Francis-
cum Episcopum translati, illum subinde in
Provisorem, seu Governatorem dictæ Ecclesiæ
eligere, seu nominare ausi fuerint, ipseque Fran-
ciscus Episcopus, electionis, seu nominationis hu-
jusmodi vigore Ecclesiam suam Ilerden. absque
nostrâ licentiâ deserere, necnon curam, regimen,
& gubernium ejusdem Ecclesiæ Abulen. susci-
pere, gerere, & exercere præsumpserit, & ad-
huc præsumat: explorati verò juris sit ipsum
Franciscum Episcopum minimè potuisse, nec pos-
se sub Oeconomatus, Procuratoris, Provisoris,
Vicarii Generalis, seu Governatoris nomine, aut
alio quovis quæsito colore, seu titulo curam,
regimen, & administrationem ejusdem Ecclesiæ
Abulen. in spiritualibus, vel temporalibus per-
se, vel alium, pro parte, vel in totum gerere,
vel recipere, aut illis ullatenus se immiscere,
antequam à vinculo, quo tenetur Ecclesiæ Iler-
den. cui præest, & à quo non nisi à Nobis ab-
soluti potest, realiter, & cum effectu absolva-
tur, ac ad præfatam Ecclesiam Abulen. transfe-
ratur, eique de illius personâ à Nobis providean-
tur; præsertim cum ejusmodi absolutio, transla-
tio, & provisio adhuc à Nobis nequidem petita
fuerit, quinimo nec asserita ejusdem Francisci
Episcopi ad dictam Ecclesiam Abulen. præsen-
tatio Nobis ullatenus facta fuerit; indeque pa-
teat, quàm temerè, & perperam præmissa om-
nia in Regnis Hispaniarum hæcenus inaudi-
ta, contra eorundem Regnorum consuetudi-
nes, contra Sacrorum Canonum, Apostolica-
rumque Constitutionum dispositionem, ac re-
ctum ordinem per damnabilem sæcularis po-
testatis abusum gesta fuerint: quantum illa Ec-
clesiæ, & nostra jura læserint, ac lædant,
quàm gravibus denique periculis animas præ-
tioso Salvatoris, & Domini Jesu Christi San-
guine redemptas involverint, & adhuc invol-
vere pergant. Hinc est, quod Nos, qui li-
bertatis, ac jurisdictionis, aliorumque jurium
Ecclesiasticorum Assertores in terris à Domino
constituti sumus, omniumque Ecclesiarum, &
Christifidelium curam, & sollicitudinem super-
nâ dispositione gerimus, Ecclesiæ præfatæ Abu-
len. Nostrorumque, & Apostolicæ Sedis jurium
indemnitati providere, nec non animarum pe-
riculis, quantum Nobis ex alto conceditur, oc-

currere cupientes, ac omnium, & singulorum in
præmissis tam à Secretario, quàm à Decano, Ca-
pitulo, & Canonicis, nec non Francisco Episco-
po prædictis per se, vel alios quoscumque quo-
modolibet actorum, & gestorum seriem, causas,
& occasiones, aliave quælibet, etiam specificam,
& individuum mentionem, & expressionem re-
quirentia præsentibus pro plenè, & sufficienter
expressis, ac exactissimè, & accuratissimè specifica-
tis habentes: Motu proprio, ac ex certâ scientiâ,
& maturâ deliberatione Nostris, deque Apostoli-
cæ potestatis plenitudine, electionem, seu nomi-
nationem ejusdem Francisci Episcopi in Provisore-
m, seu Governatorem præfatæ Ecclesiæ Abu-
len., ac quoruncumque jurium, & facultatum
circa ejusdem Ecclesiæ regimen, & administratio-
nem Decano, Capitulo, & Canonicis prædictis,
illius Sede Episcopali vacante, competentium in
ipsum translationem, seu concessionem ei ab eis-
dem Decano, Capitulo, & Canonicis factas, ut
præferatur, aliæque omnia, & singula tam ab ip-
sis Decano, Capitulo, & Canonicis, quàm à di-
cto Francisco Episcopo suæ electionis, seu nomi-
nationis, ac in ipsum, sicut præmittitur, trans-
latorum, seu ei concessorum jurium, & facul-
tatum hujusmodi vigore, seu prætextu per se,
vel alios quoscumque, etiam specificâ, & indi-
viduâ mentione, & expressione dignos in præ-
missis, vel circa ea quomodocumque, & quali-
tercumque acta, facta, gesta, mandata, decre-
ta, ordinata, vel disposita, ac forsan in futu-
rum (quod Deus avertat) agenda, gerenda,
facienda, mandanda, decernenda, & ordinanda,
cum omnibus, & singulis inde quovis modo se-
cutis, & quodcumque secuturis penitus, &
omnino nulla, invalida, inania, irrita, temera-
ria, & à non habentibus potestatem damnabili-
ter attentata, & de facto præsumpta, nulliusque
roboris, momenti, & efficaciam esse, & ab ini-
tio fuisse, ac perpetuò fore, tenore præsentium
declaramus, & decernimus, illaque damnamus,
& reprobamus, ac nihilominus ad majorem, &
abundantiorum cautelam, & quatenus opus sit,
illa omnia, & singula, quatenus de facto pro-
cesserunt, revocamus, irritamus, & annullamus,
viribusque, & effectu penitus, & omnino
vacuamus in omnibus, & per omnia, perinde ac
si nunquam facta fuissent, nec evenissent, neque
unquam fierent, vel evenirent.

§. 3. Quocirca eidem Francisco Episcopo in
virtute sanctæ obedientiæ, ac sub suspensionis
ab exercitio Pontificalium, nec non interdicti
ab ingressu Ecclesiæ ipso facto, & absque aliâ
declaratione incurrendis pœnis districtè prohibe-
mus, & interdiciamus, ne suæ irritæ electionis,
seu nominationis, aliorumque præmissorum hu-
jusmodi vigore, seu prætextu susceptum præ-
fatæ Ecclesiæ Abulen. regimen, seu gubernium
de cætero retinere, minusque ullam jurisdic-
tionem, potestatem, vel auctoritatem Ecclesiasti-
cam, & Spiritualem, in Civitate, vel Diocesi
Abulen. exercere, ullumve inibi actum jurisdic-
tionalem facere, seu continuare, neque ullos
dictæ Ecclesiæ Abulen. fructus, & proventus
percipere, seu forsan jam perceptos retinere au-
deat quovis modo, seu præsumat. Illos verò,
qui ei in præmissis paruerint, vel auxilium,
consilium, vel favorem quovis modo præstite-
rint, cujuscumque status, gradus, ordinis, con-
ditionis, præminentiae, vel dignitatis fuerint,
excommunicationis majoris, nec non privati-
onis fructuum Beneficiorum Ecclesiasticorum quo-
rumcumque, aliorumque quorumvis reddituum
Ecclesiasticorum per eos respectivè obtentorum
similiter eo ipso incurrendis pœnis, innodamus,
& innodatos forâ decernimus, & declaramus;

Summus Pontifex ejusmodi electionem damnat ac irritat cum omnibus inde secutis & secuturis.

Præcipit Episcopo Ilerdeni, ne in administratione Ecclesiæ Abulen. illo modo se ingerat.

Capitulum Abulense in Governatorem Ecclesiæ Abulen. legit Episcopum Ilerden. sem.

Contra Sacrarum Sanctionum præscriptum.

Decernit, ut
Vicarius Ca-
pitularis va-
cantem Ec-
clesiam admi-
nistret.

iplarumque pœnarum abolitionem, seu relaxa-
tionem Nobis, & Romano Pontifici pro tem-
pore existenti dumtaxat specialiter reservamus.

§. 4. Cœterum de salute Domini gregis pa-
ternâ charitate solliciti omnibus, & singulis
utriusque sexus Christianidelibus tam Ecclesiasticis
Sæcularibus, & cuiusvis Ordinis, Congregatio-
nis, vel Instituti Regularibus, quàm Laicis har-
um serie denunciandum, & ad eorum noti-
tiam deducendum esse censuimus, præfatum
Franciscum Episcopum nullum in eadem Ec-
clesiâ Abulen. suæ irritæ, & invalidæ elec-
tionis, seu nominationis, aliorumque præmis-
sorum huiusmodi vigore, vel prætextu, sive
quoad temporalium, sive quoad spiritualia ju-
risdictionem, aut potestatem habere, vel
habuisse, adeoque nec ullam circa ea, quæ
Sacramentorum administrationem, causarum
cognitionem, aut alias forum conscientie,
vel contentiosum quomodolibet concernunt,
auctoritatem interponere ullo modo valide
posse, nec potuisse. Ne autem dicta Ecclesia
Abulen. tempore, quo præfens illius Sedis
Episcopalis vacatio duraverit, Administratore
in spiritualibus careat, volumus, & ordina-
mus, ut ejus Vicarius Capitularis antea legiti-
mè deputatus, Officium Vicarii huiusmodi cum
omnibus, & singulis facultatibus ejusmodi
Vicariis Capitularibus de jure, usu, & con-
suetudine, ac alias quomodolibet juxta De-
creta Concilii Tridentini competentibus, cum
quibus illud ante præfatum irritam ejusdem
Francisci Episcopi electionem, seu nominatio-
nem gerebat, & exercebat, seu gerere, &
exercere poterat, etiam nunc, & in poste-
rum gerere, & exercere pergat, ac quatenus
opus sit, illum in odium Officio harum se-
rie confirmamus, ut illud etiam nostrâ, &
Sedis Apostolicæ auctoritate, donec tamen al-
ius similis Vicarius à Capitulo, & Canonicis
præfatis legitimè deputatus non fuerit, gerat,
& exerceat.

Decreta ro-
borantia
cum amplifi-
catis; con-
suetis clau-
sulis

§. 5. Decernentes etiam eisdem præfentes
litteras, & in eis contenta quæcumque etiam ex
eo quod præfati, & alii quicumque in præmissis,
seu eorum aliquo jus, vel interesse habentes,
seu habere quomodolibet prætendentes, cuius-
vis status, gradus, ordinis, præminentie, &
dignitatis existant, seu alias specificâ, & indi-
viduâ mentione, & expressione digni illis non
consenserint, nec ad ea vocati, citati & auditi,
causæque, propter quas præfentes emanarint suf-
ficienter adductæ, verificatæ, & justificatæ non
fuerint, aut ex alia quâlibet etiam quantumvis
juridicâ, & privilegiatâ causâ, colore prætex-
tu, & capite, etiam in corpore juris clauso,
etiam enormis, enormissimæ, & totalis læsionis
nullo unquam tempore de subreptionis, vel obrep-
tionis, aut nullitatis vitio, seu intentionis nostræ,
vel interesse habentium consensus, aliove quoli-
bet etiam quantumvis magno, & substantiali,
ac incogitato, & inexcogitabili defectu notari,
impugnari, infringi, retractari, in controversiam
vocari, aut ad terminos juris reduci seu adver-
sus illas aperitionis oris, restitutionis in integrum,
aliudve quodcumque juris, facti, vel gratiæ re-
medium intentari, vel impetrari, aut impetrato
seu etiam motu, scientiâ, & potestatis plenu-
dine similibus paribus concessio, vel emanato
quempiam in judicio, vel extra illud uti, seu fe-
juvare ullo modo posse; Sed ipsas præfentes li-
teras semper firmas, validas, & efficaces existere,
& fore, suosque plenarios, & integros effectus
fortiri, & obtinere, ac illis, ad quos spectat, &

pro tempore quodcumque spectabit, in om-
nibus, & per omnia plenissime suffragari, & ab
eis respectivè inviolabiliter, & inconculsè ob-
servari. Sicque, & non aliter in præmissis per
quoscumque Judices Ordinarios, & Delegatos
etiam Causarum Palatii Apostolici Auditores, ac
S. R. E. præfate Cardinales, etiam de Latere
Legatos, & ejusdem Sedis Nuncios, aliove
quoslibet quâcumque præminentia, & potes-
tate fungentes, & functuros, sublata eis, & eo-
rum cuilibet quâvis aliter judicandi, & interpre-
tandi facultate, & auctoritate, judicari, & defi-
niri debere, ac irritum, & inane, si secus super
his à quoquam quâvis auctoritate scienter, vel
ignoranter contigerit attentari.

§. 6. Non obstantibus præmissis, ac, quate-
nus opus sit, nostrâ, & Cancellariæ Apostolicæ
regulâ de jure quæsto non tollendo; aliisque
Apostolicis, ac in Universalibus, Provincialibus-
que, & Synodalibus Conciliis editis generali-
bus, vel specialibus Constitutionibus, & Ordi-
nationibus, necnon præfate Ecclesiæ Abulen.,
& aliis quibusvis etiam juramento, confirmatio-
ne Apostolicâ, vel quâvis firmitate alia roboratis
statutis, & consuetudinibus, ac usibus, & styli-
etiam immemorabilibus; Privilegiis quoque, In-
dultis, & literis Apostolicis præfatis, aliisque qui-
buslibet Personis etiam quacumque Ecclesiasti-
câ, vel mundanâ dignitate fulgentibus, & aliis
quomodolibet qualificatis, ac specialem expres-
sionem requirentibus, sub quibuscumque verbo-
rum tenoribus, & formis, ac cum quibusvis etiam
derogatoriarum derogatoris, aliisque efficaciori-
bus, efficacissimis, & insolitis clausulis, irritan-
tibusque & aliis decretis, etiam motu, scientiâ,
& potestatis plenitudine paribus, ac consistoria-
liter, & aliis quomodolibet in contrarium præ-
missorum concessis, editis, factis, ac pluries ite-
ratis, & quantivumque vicibus approbatis, confir-
matis & innovatis. Quibus omnibus, & singu-
lis, etiam pro illorum sufficienti derogatione de
illis, eorumque totis tenoribus specialis, specifi-
ca, expressa, & individua, ac de verbo ad ver-
bum, non autem per clausulas generales idem
importantes mentio, seu quâvis alia expressio
habenda, aut aliqua alia exquisita forma ad hoc
servanda foret, tenores huiusmodi, ac si de verbo
ad verbum nihil penitus omisso, & formâ in illis tra-
ditâ observata exprimerentur, & inferrentur, præ-
sentibus pro plenè, & sufficienter expressis, & insertis
habentes, illis alias in suo robore permanens ad
præmissorum effectum hac vice dumtaxat speciali-
ter, & expressè derogamus, ac derogatum esse
volumus, cæterisque contrariis quibuscumque.

§. 7. Volumus autem, ut earundem præsen-
tium litterarum transumptis, seu exemplis etiam im-
pressis, manu alicujus Notarii publici subscriptis,
& sigillo Personæ in Ecclesiastica dignitate con-
stitutæ munitis, eadem prorsus fides tam in Judi-
cio, quàm extra illud ubique adhibeatur, quæ eis-
dem præsentibus, adhiberetur, si forent exhibitæ,
vel ostensæ. Datum Romæ apud S. Mariam Ma-
jorem sub Annulo Piscatoris 24. Augusti 1709.
Pontificatus Nostri Anno Nono.

F. Oliverius.

Derogatio
quibuscum-
que contra-
riis.

Fides adhi-
benda tran-
sumptis.